

Fjalor

Agregim (ashtu si në postimet në bllogje): Në internet, përmbajtja është e agreguar kur kemi më shumë medime të cilat në mënyrë automatike mbledhen në një vend.

Apache: Softuer i lirë me kod burimor të hapur, zakonisht përdoret me ueb aplikacionet

BarCamp: Rrjet ndërkombëtar i konferencave të organizuara në bashkëpunim në një model të kodit burimor të hapur, duke përdorur wiki, listën e postës elektronike, blogje, dhe mjete tjera të medie sociale.

Blog(je): Faqe interneti e përbërë nga postime të shkurtëra mbi një temë të unifikuar apo një subjekt. Shumica e blogjeve shfrytëzojnë softuer të bazuar në ueb që ju mundëson njerëzve lehtë dhe thjeshtë të postojnë përmbajtje të reja, pa pasur nevojë të riorganizojnë përmbajtje të vjetra ose të kenë njohuri për HTML-në.

Blogathon: Një ngjarje e drejtpërdrejt ku bloggerët zgjedhin një temë dhe bllojnë të gjithë së bashku. Një blogger mund të jetë nikoqir i blogathon-it, duke i lidhur të gjitha bloggerët individual në një faqe blog-u.

Blogspot: Faqe interneti falas për postimin e blogjeve dhe komunitetit, në pronësi të Google-it.

blip.tv: Faqe falas interneti e cila u mundëson përdoruesve të vendosin dhe shkëmbejnë video me të tjerët.

Qytetarët gazetar: Një anëtar i publikut i cili nuk është gazetar profesionist, por merret me mbledhjen, raportimin dhe shpërndarjen e lajmeve dhe informacioneve në mënyrë të pavarur.

CiviCRM: Aplikacion softuerik i lirë me kod burimor të hapur për menaxhimin e marrëdhënieve me kontaktet.

Sistemi për menaxhimin e përmbajtjeve (Content Management System - CMS): Softuer i cili përdoret për të organizuar, përditësuar dhe shpërndarë përmbajtje në internet. Shembujt të tillë janë Drupal dhe Joomla. Softuer për blogim, siç është Wordpress, mund të përdoret gjithashtu si një CMS.

Burim grupor: Mënyrë për të deleguar një detyrë për një grup të njerëzve ose për të krijuar një bashkëpunim mes një grupi të njerëzve të palidhur, për shembull duke u mbështetur në vullnetarë për të titruar video të bazuara në ueb në gjuhë të ndryshme.

DailyMotion: Faqe interneti për hostim dhe shpërndarje të videove.

Tregim Digjital: Krijimi i një tregimi duke përdorur mjete dhe media digjitale. Kjo metodë përdoret shpesh për të treguar histori personale dhe mund të përbëhet nga fjalë, foto, audio dhe video materiale.

Emri i domenit: Një adresë regjistrimi tekstual që korrespondon me vendin e komponentëve të ndryshëm (faqe interneti, media dhe dosje) të një faqe interneti.

Drupal: Sistem i lirë me kod burimor të hapur për menaxhimin e përmbajtjes(CMS). (Gjithashtu shih: CMS.)

Shifrim/ enkriptim: Një mënyrë për të koduar informacionin dhe që iu mundëson vetëm njerëzve të caktuar të mund të deshifrojnë dhe të përdornin atë.

Excel: Një aplikacion softuerik për punë me tabela llogaritëse, në pronësi të Microsoft-it.

Facebook: Faqe rrjeti social, ku njerëzit mund të krijojnë një profil, shtojnë përdorues të tjerë si miq të tyre, postojnë dhe shkëmbejnë përmbajtje. Rregullat e shërbimit të Facebook-ut kërkojnë nga shfrytëzuesit të përdorin emrin e tyre të vërtetë.

Facebook grupi: Çdo përdorues mund të krijojë një grup dhe të ftojë përdoruesit tjerë të bashkohen me të. Administratori i grupit mund t'u dërgoj porosi të gjithë anëtarëve të grupit, përderisa grupi ka më pak se 5000 anëtarë.

Facebook lajme: Çdo përdorues ka qasje në Lajmet mbi aktivitetet e miqve të tij në faqen e internetit. Përdoruesi mund të kontrollojë se çfarë është publikuar në ato lajme.

Facebook Faqe: Çdo përdorues mund të krijojë një faqe dhe të ftojë përdoruesit e tjerë për t'u bërë tifoz të tij. Faqet mund të organizohen rreth

ndonjë interesi të përbashkët dhe të përdoren për të dërguar porosi grupore deri te tifozyt.

Facebook Profil: Kjo është faqja personale e një përdoruesi, ku janë të renditur miqtë e tyre, interesat, anëtarësitë, dhe aktivitetet e kohëve të fundit në faqe. Përdoruesit mund të kontrollojnë se cila pjesë e profilit të tyre mund të shihet nga të tjerët.

Faqe të rrjeteve sociale: Faqet e internetit në të cilat njerëzit mund të krijojnë një profil, të lidhen me përdorues të tjerë që të komunikojnë dhe të shkëmbejnë përmbajtje. Shembujt të faqeve të këtilla përfshijnë MySpace, Facebook, bebo, Orkut, dhe HiS.

FireGPG: Aplikacioni softuerik i cili instalohet brenda shfletuesit të ueb browser-it, Firefox. FireGPG ju lejon të shifroni postën elektronike brenda ueb shfletuesit.

Flash: Program grafik në pronësi të Adobe-s për krijimin e animacioneve dhe elementeve multimedia në faqet e internetit. Shumë ueb faqe publikojnë video në formatin Flash.

Kërkesa për Ligjin e lirisë së informacionit(FOIA): Një mekanizëm me të cilin çdo person mund të kërkojë të dhëna nga një organ i qeverisë.

Flash mob (grupim stihik): Flash mob është një grup i njerëzve (të organizuar shpesh përmes postës elektronike ose përmes të ndonjë rrjeti social), të cilët mbledhen për një kohë të shkurtër në një hapësirë publike, sikur të jetë e rastësishme. Kur mbledhen, grupi kryen një aksion të sinkronizuar (shpesh të pazakontë), dhe pastaj shpërndahet.

Flickr: Faqe interneti për hostim dhe shkëmbim të fotografive në pronësi të Yahoo-s. Njerëzit mund të vendosin fotografi duke përdorur internetin ose postën elektronike, aplikacionet e palës së tretë, ose telefonat celular. Shërbimi standard është falas, por ka edhe shërbim më të avancuar me pagesë.

FTP (protokoll për transfer të dosjeve): Mënyra me të cilën dosjet dërgohen dhe shkëmbehen në internet. Duke përdorur një program në kompjuterin e klientit, dosjet mund të vendosen në kompjuter/ server në të cilin ruhen dosjet.

Freedom Fone: Aplikacion softuerik i bazuar në bazën e të dhënave, i cili lejon njerëzit të kenë qasje në informacione përmes thirrjes me zë nëpërmes telefonave fiks, celular dhe të internetit.

FreeSwitch: Softuer i lirë me kod burimor të hapur për krijimin e zërit dhe tekstit të bazuar në chat aplikacionet.

FrontlineSMS: Softuer i lirë me kod burimor të hapur që mund të kthejë një laptop dhe një telefon celular në një qendër të komunikimit. Pasi të instalohet, program u mundëson përdoruesve të dërgojnë dhe të marrin porosi tekstuale.

Google Earth: Softuer për të shikuar hartën tredimensionale të Tokës. Njerëzit mund të adaptojnë dhe shtojnë pika në hartën e Google Earth-it duke shtuar fotografi, video përmbajtje, tekst, i cili mund të ruhet dhe të ndahet me të tjerët.

Google Images: Makinë kërkimi për imazhe. Nëse shfrytëzoni opsionin e kërkimit të avancuar, ju mund të kërkonim imazhe sipas licencës me të drejtë kopjimi, si të gjeni imazhe të cila mund të ri-përdoren dhe të redaktohen.

Google Maps: Një databazë e hartave dhe softuer për harta. Njerëzit që përdorin këto të dhëna për rregullimin dhe futjen e komenteve dhe vërejtjeve në harta, si dhe për të kombinuar hartat me aplikacionet tjera dhe mediet, të tilla si vendosja e fotovo në hartë ose marrja e hartave të adaptuara në faqen tuaj të internetit.

Google Motion Chart: Një ueb aplikacion që gjeneron grafikone dinamike në Flash format, të dhëna të ilustruara të importuara nga një Google Spreadsheet. Më mirë është të përdoret për prezantimin se si dy lloje të të dhënave ndryshojnë me kalimin e kohës.

Google News: Një direktorium për kërkimin e lajmeve, indeksuar nga Google. Njerëzit mund të regjistrohen që të marrin njoftime automatike (Google News Alerts) përmes postës elektronike kur tema të caktuara apo fjalë kyçe të shfaqen në lajme. Njoftimet mund t'i merrni edhe përmes të dhënave të lexuesve, ndërsa mund të ndodh që këto përditësime të paraqiten drejtpërdrejt dhe në mënyrë automatike në faqen tuaj të internetit.

Google Spreadsheet: Aplikacion falas për gjenerim, redaktim dhe shpërndarje të tabelave llogaritëse, të ruajtura në internet.

Gmail: Shërbim falas për postë elektronike, në pronësi të Google-it.

PGP: Gnu Privacy Guard (GPG) është një version me kod burimor të hapur të PGP-së (Pretty Good Privacy), një lloj i softuerit për kodimin e të dhënave që mundëson kodimin e të dhënave tuaja të cilat mund të dekodohen vetëm nga njerëzit të cilët kanë në dispozicion çelësin tuaj të qasjes.

Hard drive: Një pajisje e përhershme për ruajtjen e të dhënave të një kompjuteri. Ka dy lloje të hard disqeve, të brendshëm (të instaluar brenda në kompjuter) dhe të jashtëm (të lidhur me kompjuterin me kabllo). Hard disqet e jashtme mund të lëvizin nga një kompjuter në tjetrin. Të dhënat në një hard disk gjithashtu mund të jenë të koduara.

HTML: HyperText Markup Language(gjuhë për shënimin e hyper- tekstit). HTML është gjuha informatike e përdorur për të komunikuar përmbajtjen dhe paraqitjen e një faqe interneti me një ueb server të një ueb shfletuesi.

ICQ: Program interneti për dërgimin dhe pranimin e porositve dhe bisedave instant (në pronësi të AOL/ Time Warner) që lejon njerëzit të shkëmbejnë porosi në mes të kompjuterëve.

Infografika: Një mënyrë për vizualizim dhe dhënien e kuptimit të dhënave duke përdorur fotografi, harta, diagrame, grafikë, apo elemente të tjera grafike.

IntelliSMS: Aplikacion softuerik komercial për dërgimin dhe marrjen e porositve tekstuale.

Përgjigje interaktive me zë(IVR): Një teknologji që u mundëson kompjuterëve të identifikojnë fjalët që fliten nga zë njeriu me qëllim që të përgjigjen me informacione paraprakisht të përgatitura dhe dinamike.

IP adresa: Identifikues unik numerik i cili i jepet secilës pajisje komunikimi nëpërmjet internetit. Kur transmetohen të dhënat në internet, IP adresa e kompjuterit ose pajisjeve të tjera që jeni të lidhur në internet lidhet me të dhënat të cilat ju i transmetoni.

javascript: Gjuhë e shkruar e përdorur në faqet e internetit për të shfaqur dhe formatuar përmbajtje ose për të drejtuar aksionet, si që janë pop-up dritaret, ose imazhet që duken kur lëvizni kursoren mbi ta.

joomla: Sistem falas për menaxhimin e përmbajtjes (CMS) me kod burimor të hapur, (Shih gjithashtu CMS).

Kodet e shkurtëra: Ndonjëherë quhen numra të shkurtër, ky është një numër i veçantë telefonik për të dërguar porosi tekstuale (SMS) apo MMS porosi.

LiveJournal: Faqe interneti për blogim (në pronësi të SU P), e cila hoston revista personale dhe revista të komunitetit (ku më shumë njerëz mund të vendosin përmbajtje). Softueri i cili e vë në funksion LiveJournal është me kod burimor të hapur dhe mund ta përdorin të gjithë, me të njëjtën licencë, për të drejtuar një komunitet blogimi.

Livestream.com: Aplikacion falas softuerik për shkëmbimin e videove drejtpërdrejt nga telefoni ose kompjuteri juaj, të lidhur në internet.

Mash-up: Kombinim i mjeteve të ndryshme, mediave, apo të programeve për të krijuar një media hibride. Mash-up ueb aplikacioni mund të kombinojë dy shërbime të ndryshme të internetit, ndërkohë që një video mash-up redakton video të ndryshme dhe media të tjera së bashku në një video të re.

MMS (multimedia message): Format për dërgimin e porositve përmes telefonave celularë. Duke përdorur MMS, ju mund të dërgoni foto, audio, video, dhe porosi tekstuale që tejkalojnë kufirin e zakonshëm 160 karaktere në tekst (SMS) porositë.

MySpace: Faqe e rrjetit social (në pronësi të Fox Interactive Media/ Newscorp) ku përdoruesit mund të krijojnë një profil, të shtojnë përdorues të tjerë MySpace si miq të tyre dhe të vendosin dhe shpërndajnë përmbajtje.

MySQL: Aplikacion për menaxhimin e bazës së të dhënave. Kodi i MySQL është në pronësi të Sun Microsystems, por është i licencuar për shpërndarje falas.

Harta e Rrjetit: Prezantim vizual i njerëzve, organizatave, ose institucioneve dhe marrëdhëniet e tyre me njëri-tjetrin.

Softuer i lirë me kod burimor të hapur: Softuer kompjuterik në të cilin kodi i programimit është i lirë që njerëzit të shohin, modifikojnë, dhe të ndërtojnë një softuer të ri, me marrëveshje që kodi të jetë i hapur, që më shumë njerëz të mund të përfitojnë nga puna e përbashkët e komunitetit të programerëve.

Orkut: Faqe falas e internet për shoqërim (në pronësi të Google-it) me një numër të konsiderueshëm të përdoruesve në Brazil dhe Indi.

PHP: Gjuhë e lirë dhe falas për shkrimin e skriptave të ueb aplikacioneve.

Porosi tekstuale: Gjithashtu e njohur si SMS, kjo është dërguar në mes të telefonave celularë dhe është e kufizuar në 160 ose më pak karaktere.

Qik: Aplikacion falas softuerik për shpërndarjen e videove drejtpërdrejt nga telefoni juaj.

Remiks: Procesi i montazhit dhe përzjerjes së dy ose më shumë llojeve të medias së bashku. Më shpesh remiksohen video dhe audio dhe kombinime të të dyjave.

Ringtone: Audio dosje digjitale që aktivizohet kur një telefon celular pranon thirrje apo porosi tekstuale. Ringtonet mund të shkëmbehen në mes të telefonave celularë, ndërsa ekziston edhe softuer falas për krijim e një toni të ziles.

SIM Kartela: Një SIM (subscribed identity module - moduli identiteti të parapaguar) kartelë ruan informacionin e veçantë të identifikimit të një përdoruesi të telefonit celular, të tilla si kontaktet e tyre, të dhënat dhe informatat e tyre personale.

SMS: Shih 'porosi tekstuale'

Server: Një kompjuter që ofron të dhënat e kërkuara nga kompjuterat e tjerë të shumtë të lidhura në një rrjet.

SquirrelMail: Aplikacion i lirë në internet me kod burimor të hapur për përdorimin e postës elektronike. SquirrelMail nuk është i hostuar nga një shërbim komercial, por ju duhet ta instaloni atë në serverin tuaj.

Tagging: Tag është një etiketë tekstuale që përdoret për të identifikuar pjesë të përmbajtjes në një ose në të gjithë faqet e internetit. Shumë faqe të rrjetit social dhe faqe për shkëmbim të fotove dhe videove shfrytëzojnë tagging për të lejuar një pjesë të përmbajtjes të parashtrohet në kategori të shumta.

Tag mjegull: Një mënyrë për vizualizim të informacioneve në lidhje me një tekst të dendur dhe të gjatë, zakonisht një grumbull fjalësh ose frazash, të stilizuara për të treguar cila nga ato shfaqet më shpesh në tekst.

Twitter: Shërbim online për ndarjen e postimeve tekstuale të shkurta (140 karaktere ose më pak). Njerëzit mund të postojnë përmbajtje në faqen e internetit Twitter ose nëpërmjet një porosie tekstuale.

Ueb shfletuesi: Aplikacion softuerik i cili përdoret për të parë ueb faqet.

Shembuj të shfletuesve me kod burimor të hapur janë Firefox dhe Konqueror.

USB kartela memorie: Një pajisje portative për ruajtjen e të dhënave që kyçet në USB portin e kompjuterit.

Ushahidi: Aplikacion softuerik që u mundëson njerëzve të shkëmbejnë në kohë raportet e reja duke dërguar porosi me celular, postë elektronike, ose nëpërmjet faqes së internetit. Këto porosi janë të mbledhura, të indeksuara dhe vizualizura në një faqe interneti.

Ustream.tv: Aplikacion i lirë softuerik për shpërndarjen e videove drejtpërdrejt nga telefonat ose kompjuterët tuaj të lidhur në internet.

Vizualizimi: Një mënyrë për të përfaqësuar dhe lehtësuar të dhëna komplekse duke përdorur grafikë.

WampServer: I referohet instalimit të Apache, MySQL dhe PHP në një server të Windows-it.

Web 2.0: Koncept që është përdorur për t'iu referuar një brezi të ri të përdorimit të internetit që lejon përdoruesit më lehtë të krijojnë dhe të shpërndajnë përmbajtje dhe lidhje me njëri-tjetrin.

Web-scrapers: Aplikacion që automatikisht bën nxjerrjen e informacionit nga faqet e internetit.

Wiki: Faqe interneti që mund të redaktohet nga çdo përdorues. Më shumë përdorues mund të kontribuojnë në wiki së bashku, me të cilën ndiqen ndryshimet, ndërsa versionet e ndryshme inçizohen dhe ruhen.

Wikipedia: Faqe interneti e modeluar si një enciklopedi, ku gjithkush mund të shtojë dhe të ndryshojë përmbajtjet të cilat i kanë vënë njerëzit tjerë.

Wordpress: Aplikacion softuerik me kod burimor të hapur për botimin dhe menaxhimin e një blogu. Ju mund të shkarkoni dhe të instaloni Wordpress në serverin tuaj ose Wordpress mund të hostojë blogun tuaj falas në Wordpress.com.

Xapian: Aplikacion falas me kod burimor të hapur për tërheqjen dhe kërkimin e informacionit i cili përdoret me bazë të të dhënave.

Yahoo Mail: Shërbim falas për postë elektronike, në pronësi të Yahoo-s.

YouTube: Faqe falas interneti për postim dhe ndarje të videove, në pronësi të Google-it. Njerëzit mund të vendosin video nga një kompjuter, me postë elektronike, ose nga një telefon celular.